

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO ZA PITANJA BORACA  
I INVALIDA ODBRAMBENO-OSLOBODILAČKOG RATA  
FEDERALNO MINISTARSTVO ZA PITANJA BRANITELJA  
I INVALIDA DOMOVINSKOG RATA

**O D L U K A**

**O OSIGURANJU KADROVSKIH I MATERIJALNIH PRETPOSTAVKI ZA IZVRŠENJE  
ZAKONA O PROVOĐENJU KONTROLE ZAKONITOSTI KORIŠTENJA PRAVA IZ  
OBLASTI BRANILAČKO-INVALIDSKE ZAŠTITE**

Sarajevo,maj 2010.

Na osnovu člana 16. stav 1. Zakona o provođenju kontrole zakonitosti korištenja prava iz oblasti branilačko-invalidske zaštite ("Službene novine Federacije BiH" broj:82/09), Vlada Federacije Bosne i Hercegovine je na \_\_ sjednici održanoj \_\_\_\_\_, **d o n i j e l a**

## **O D L U K U**

### **O OSIGURANJU KADROVSKIH I MATERIJALNIH PRETPOSTAVKI ZA IZVRŠENJE ZAKONA O PROVOĐENJU KONTROLE ZAKONITOSTI KORIŠTENJA PRAVA IZ OBLASTI BRANILAČKO-INVALIDSKE ZAŠTITE**

#### **I**

Ovom odlukom utvrđuju se kadrovske i materijalne pretpostavke za izvršavanje Zakona o provođenju kontrole zakonitosti korištenja prava iz oblasti branilačko-invalidske zaštite ("Službene novine Federacije BiH" broj: 82/09- u daljnjem tekstu: Zakon).

#### **II**

Za provođenje Zakona iz tačke I ove Odluke zaduženi su revizorski timovi za kontrolu i Revizorski tim za koordinaciju, a kadrovske i materijalne pretpostavke za rad navedenih timova, obezbjediti će se u okviru sredstava Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata (u daljem tekstu: Federalno ministarstvo).

#### **III**

Materijalna sredstva potrebna za rad revizorskih timova iz tačke II. ove Odluke čine novčane naknade i troškovi prevoza za članove timova, kao i drugi materijalni izdaci potrebni za rad revizorskih timova (računarska oprema, troškovi kopiranja, vozila, troškovi goriva, kancelarije za rad i druga oprema, sredstva potrebna za rad revizorskih timova i troškovi seminara, pripreme i obuke revizorskih timova, troškovi ugovora o djelu za informatičko-analitičku i logističku podršku revizorskih timova).

Materijalna sredstva iz stava 1. i 2. ove tačke, osiguravaju se iz sredstava Federalnog ministarstva, razdjel 32, glava 3201, ekonomski kod 614200 -„Transfer za troškove provođenja revizije iz oblasti branilačko - invalidske zaštite u Federaciji BiH“, Budžeta Federacije Bosne i Hercegovine („Službene novine Federacije BiH“, broj: 81/09).

#### IV

Članovi Revizorskih timova i Revizorskog tima za koordinaciju iz tačke II ove odluke imaju pravo na novčanu naknadu i troškove prevoza u toku vršenja revizije uvjerenja i to:

- a) član Revizorskog tima za kontrolu ostvaruje pravo na novčanu naknadu u iznosu od 200,00 KM mjesečno i 1,00 KM po predmetu za koji je izvršena revizija uvjerenja.
- b) član Revizorskog tima za koordinaciju ostvaruje pravo na mjesečnu novčanu naknadu u iznosu od 400, 00 KM.

Troškove prevoza i druge materijalne troškove članovi timova iz tačke II ove odluke ostvaruju u skladu sa Uredbom o naknadama troškova za službena putovanja („Službene novine Federacije BiH“, br. 75/04, 43/07, 3/08,2/09 i 4/10) i Odlukom o visini dnevnica za službena putovanja za budžetske korisnike Federacije Bosne i Hercegovine („Službene novine Federacije BiH“, br. 50/07,10/08 i 16/09).

#### V

Federalni organi uprave i federalne upravne organizacije, te kantonalni organi uprave i kantonalne upravne organizacije odnosno općinske službe za upravu, dužni su da omoguće članovima timova iz tačke II ove odluke, koji su u radnom odnosu u navedenim organima i organizacijama nesmetan rad u timovima, na način da im se u toku radnog vremena obezbijedi plaćeno odsustvo sa posla.

#### VI

Federalni ministar će donijeti pojedinačna rješenja kojim će utvrditi prava i obaveze članova revizorskih timova, kao i visine naknada i način plaćanja.

#### VII

Za realizaciju ove Odluke zadužuje se Federalno ministarstvo i Federalno ministarstvo finansija-Federalno ministarstvo financija, svako u okviru svojih nadležnosti.

#### VIII

Ova Odluka stupa na snagu narednog dana od dana objavljivanja u „Službenim novinama Federacije BiH“.

V.broj:\_\_\_\_\_

Sarajevo,\_\_\_\_\_

**P R E M I J E R**

**Mustafa Mujezinović**

# OBRAZLOŽENJE

## ODLUKE O OSIGURANJU KADROVSKIH I MATERIJALNIH PRETPOSTAVKI ZA IZVRŠENJE ZAKONA O PROVOĐENJU KONTROLE ZAKONITOSTI KORIŠTENJA PRAVA IZ OBLASTI BRANILAČKO-INVALIDSKE ZAŠTITE

### I ZAKONSKI OSNOV

Zakonski osnov za donošenje ove Odluke sadržan je u članu 16. stav 1. Zakona o provođenju kontrole zakonitosti korištenja prava iz oblasti branilačko-invalidske zaštite ("Službene novine Federacije BiH" br.82/09).

### II RAZLOZI ZA DONOŠENJE ODLUKE

Odluka se donosi u svrhu obezbijeđenja materijalnih sredstava za rad Revizorskih timova za kontrolu i Revizorskog tima za koordinaciju i druga pitanja od značaja za rad navedenih timova .

### III OBRAZLOŽENJE

**Tačkom I** ove Odluke propisano je da se utvrđuju kadrovska rješenja i materijalna sredstva za provođenje Zakona o provođenju kontrole zakonitosti korištenja prava iz oblasti branilačko-invalidske zaštite.

**Tačkom II** ove Odluke propisano je da će se materijalna sredstva za rad revizorskih timova za kontrolu i Revizorskog tima za koordinaciju obezbijediti u okviru sredstava Federalnog ministarstva za pitanja boraca i invalida odbrambeno-oslobodilačkog rata.

**Tačkom III** ove Odluke propisano je da materijalna sredstva potrebna za rad revizorskih timova iz tačke II. ove Odluke čine novčane naknade i troškovi prevoza za članove timova, kao i drugi materijalni izdaci potrebni za rad revizorskih timova (računarska oprema, troškovi kopiranja, vozila, troškovi goriva, kancelarije za rad i druga oprema, sredstva potrebna za rad revizorskih timova i troškovi seminara, pripreme i obuke revizorskih timova, troškovi ugovora o djelu za informatičko-analitičku i logističku podršku revizorskih timova).

Ova sredstva će se osigurati iz sredstava Federalnog ministarstva, Razdjel 32, Glava 3201, Ekonomski kod 614200-„Transfer za troškove provođenja revizije iz oblasti branilačko - invalidske zaštite u Federaciji BiH“, Budžeta Federacije Bosne i Hercegovine.

**Tačkom IV** propisano je da članovi Revizorskog tima za kontrolu ostvaruju pravo na novčanu naknadu u iznosu od 200,00 KM mjesečno i 1,00 KM po predmetu za koji je izvršena revizija uvjerenja o okolnostima stradanja, članovi Revizorskog tima za koordinaciju ostvaruju pravo na mjesečnu novčanu naknadu u iznosu od 400, 00 KM.

Troškovi prevoza i drugi materijalni troškovi, članovima timova se isplaćuju u skladu sa Uredbom o naknadama troškova za službena putovanja i Odlukom o visini dnevnica za službena putovanja za budžetske korisnike Federacije Bosne i Hercegovine.

**Tačkom V** ove Odluke propisana je obaveza za federalne organe uprave i federalne upravne organizacije, kantonalne organe uprave i kantonalne upravne organizacije kao i općinske službe za upravu, da omoguće članovima timova iz tačke II ove odluke, koji su u radnom odnosu u navedenim organima, nesmetan rad u timovima, na način da im se u toku radnog vremena obezbijedi plaćeno odsustvo sa posla.

**Tačkom VI** propisano je da će federalni ministar donijeti pojedinačna rješenja kojim će utvrditi prava i obaveze članova revizorskih timova, kao i visinu naknade i način plaćanja.

**Tačkom VII** propisano je da su za realizaciju ove Odluke zaduženi Federalno ministarstvo finansija i ovo Ministarstvo, svako iz okvira svoje nadležnosti.

**Tačkom VIII** ove Odluke propisano je da ova Odluka stupa na snagu narednog dana od dana objavljivanja u „Službenim novinama Federacije BiH“.

#### **IV FINANSIJSKA SREDSTVA**

Za provođenje ove Odluke su obezbijedena finansijska sredstva Razdjel 32, Glava 3201, Ekonomski kod 614200-„Transfer za troškove provođenja revizije iz oblasti branilačko - invalidske zaštite u Federaciji BiH“, Budžeta Federacije Bosne i Hercegovine.